

enavigare incipiam, quædam *περὶ ἡμετέρας ἔνεκα* & veluti
ξεναγίας, quorum consideratio Studia Auditorum juvare
 possit, Homerianæ nostræ Lectioni præmifero, quibus ex-
 peditior & faciliior, aut etiam jucundior, *Bonis & Inguenit*
Adolescentibus, qui adhuc tanquam Hospites & peregrini, in
 hujus gravissimi Autoris auscultatione sunt, aditus ad opus
 ipsum fiat, quò rectius & majori cum utilitate in hoc navi-
 gatione versari possint. Loquar ergò per Semihorium de
 hoc Poëseos Principe, ostendamq;ve, (*sed καὶ ἀφοσίωσιν*,
 multa, ut festinātib; accidit, sciens maximè prætervectus,)
 omnium scientiarum primordia, ubiq; in *Homeri Poëmati-*
bus impressa conspici. Ubi quidem Melesigenem non
 illis, quibus maectandus esset, laudum encomiis extollam,
 siquidem tantæ excellentiæ, quanta hujus Poëtæ, omnium
 judicio est constituta, *meæ deprædicationis tenuitas* nullo
 modo est adhibenda; præsertim quum superforanei sit la-
 boris, operæq; redundantis universis nota replicare, simili-
 terq; (ut optimus pessimi Discipuli Magister *Seneca* habet,)
 laudatio nimia sit reprehensibilis ac immoderata vitupera-
 tio. Verba ergò parcè, res ampliter loquar. *Vos, Audito-*
res Optimi, majorem in modum & oro & obsecro, ut bene-
volè & attentè de tanto Poëtâ verba facientem ausculteris,
rem suo pondere ad libellam obrussamq; rationis, velut ad
illinæm aurificis stateram, pensiculatè expendendo, tem-
pus, cujus πολυτελέστατον αἰάλωμα, frustra, *minimè insum-*
pturi. *Quæso,*

- - - τόδε μοι κρηθήνα' ἐέλδωρ,

In retantâ, sicuti non adeò ex dignitate omnia dici possunt:
 ita quum aliquam partem dixerò, multum dixerò: si non
 thesauros omnes, auri tamen vobis plurimum allaturus.

In Poësi *Scientias omnes consistere ac Artes*, jam du-
 dum Eruditiores abundè demonstrarunt omnes, adeò ut vel
 inde quasi ex fonte quodam emanârint, vel in eam conflu-
 xerint.